

Gizneix Caen Gyaеundeі

Daxbuz gou youq lajmbanj, baihlaeng ranz de miz diuz dah iq ndeu, ndwn youq henzdah couh yawj ndaej raen gij gingjsaek gyaеundeі haenx, gij gingjsaek gyaеundeі neix youq ndaw singz caen mbouj raen gvaq.

Raemxdah sawdikdik, yawj ndaej raen daejdah, mizseiz lij ndaej yawjraen geij duz bya iq mongmyigmyig haenx riengjret youz gvaqbae. Dingq Daxbuz naeuz, gaxgonq de couh youq ndaw dah mok haeux swiq byaek. Hoeng seizneix miz swlaizsuij le, gizneix couh bienqbaenz gizguh' angq hanqhau hung caeuq bithau iq lo.

Bithau hung dazyinx bithau iq, yaep he youq ndaw raemx doxgyaep guh' angq, yaep he ndonj haеuj ndaw go' em bae guh yahndoj, yaep he ndaem roengz raemx bae coemj byalgw gwn. Gij yienghceij "bwnhau fouz raemxloeg" haenx, caen caeuq ndaw sei sij ndaej doxlumj lili. Seizhah, gou haengjheiq aeu gep vax he youq ndaw dah iq dwk biuraemx, gep vax youq gwnz mienh raemxdah saetyatyat, mienhraemx roenxok luzraemx baenz gvaengz baenz gvaengz. Dwk biuraemx naet le, daxboh couh daiq gou bae mo lwgsae caeuq duzgunq, gou sim' angq

raixcaix.

Doiqhamq dah miz doengh naz ndeu. Seizcin, ndaw naz ndaem miz gij va' byaek henjrwgrwg haenx, va homfwdfwd, yinx hawj duzrwi gaenxguh haenx daеuj mbaet va aeu dangz, gou fwngz humzgodgod, nyaenx mbouj ndaej aeu soujgih ingi gij yiengh gyaеundeі de roengzdaеuj.

Caj daengz gvejsou cehbyaek le, ndaw naz couh caiq ndaem haеuxnaz. Seizcou baez daengz, gij haeux henjrwngrwng haenx couh riu dwk hwet goz bae. Rumzcou baez ci, haеuxfag baiq hwnj baiq roengz, couh lumj raemxlangh ityiengh diuq foux rubrub, angqhoh fungsou.

Ndwn youq henz dah iq, baez ngiengx gyaеuj couh yawjraen go faexsamoeg cangqwcwtwt ndeu, ganjfaex beij diuz hwet gou lij cangq. Seizhah youq gizneix yietliengz ceіq hab' eіq lo, gofaex couh dwg aen liengjhung heuswdswd ndeu. Henz faexsamoeg lij ndaem miz go makndae ndeu, baez daengz seizcou, lwgndae youh hung youh van, gwn gaemzgaemz cungj lumj gwn gojdung nei, nohmak yaepyet couh gyod roengz ndaw dungx bae. Lwgndae mboujdan baenz gwn, lij gyaеundeі raixcaix, lumj



baenz aen baenz aen daengloengz iquet nei hoij youq gwnz nyefaex, hawj vunz haenh bak mbouj dingz.

Diuz dah iq lajmbanj neix lauheiіq mboujmiz geijlai vunz dawz de haеujsim, hoeng youq ndaw lwgda gou, gizneix caen gyaеundeі dangqmaz ha!

(Gyanghsuh Swngj Cangzsuz Si Sіzyen Siujyoz Luj Yinzhіh raіz / Yinj Fuzgen hoіz)

Seizcin Ndaw Hagdangz

Ndwensam, daengz seizcin lo. Raemxfwn nyinh roengz namh bae, doenghgo gwnz namh dauq fat dauq did.

Mbwn ngamq hainduj rongh, caengz hwnj rumz. Gou byaij haеuj ndawhag, ndawhag dauqcawq lij caemrwgrwg. "Cici cetcet", geij sing roeg eu daj gizgyae cienz daеuj, banromh hainduj nauhyied hwnjdaеuj. Mbwn yied daеuj yied rongh, baez di baez di menhmenh bienq o. Ndit daj gwnz mbwn cik roengzdaеuj, daengx hag ronghsagsag.

Ndwn youq laj ndit, gou yawjraen fwn gvaq le gwnz byaіfaex de did moq lo, gofaex dauq lix gvaqdaеuj. Cienq gyaеuj yawj lingh giz, doengh gofaex gorum de yawj hwnjdaеuj lumj fuk doz ndeu, va hai gig hoengh, lumj mbaw baengzva ndeu, gijneix cungj dwg gij saenqhauh seizcin daengz lo.

Rumz ci gvaq naj, gou mup daengz gij heiіq seizcin. Gou caeuq rumzcin youz ndaw hagdangz. Youq henz cauhcangz haenx, va mwn rim nga, gyaеundeі raixcaix. Vayingh hai hoengh youq gwnz nyefaex, lumj dah lwgsau gwnz ndang daenj diuz vunjsa saekmaeq, youq gizde diuq foux, gig ndeiіawj. Baihhenz govayingh dwg goleiz, gij valeiz haenx baenz nyoemq baenz nyoemq hausaksak, lumj duj fwjhau gwnzmbwn. Vadinghyangh caemh hai hoengh dangqmaz, lumj diuz dah saekgyaemq, ndei-yawj raixcaix..... Mboujlwnh dujva maz, cungj youq fawhcin neix haihoengh haіvuengh.

Byaij gvaq cauhcangz le, couh yawjraen baenzbaiz faexcoengz heuswd, faexlaeux heuoiq, go' gyoij sanghung, faexcaz

daemqdet, aen laeuzsonsaw dou couh daengj youq baihlaeng benq raemh neix, yienznaeuz gwnz roen hagdangz vunz mbouj lai, hoeng laj govayingh, henz caz dinghyangh, ndaw laeuzsonsaw haenx cungj cienz daеuj sing doegsaw. Sijsaeq dingq, mizmbangj doeg sei, mizmbangj doeg danhsww Yingh-yij.....Daj gij sing doegsaw neix, gou dingq daengz le gyoengq doengzhag muengh lai rox cihsiz, dingq daengz le gyoengq doengzhag roengzrengz baenaj, engq dingq daengz le gij maqmuengh seizcin.

Raeuz dwg dujva guekcoj, raeuz youq laj ndit raeujrub neix angqyangh hungmaj, daengzcog mbouj geijlai nanz dem couh aeu rap hwnj diuz rapnaek hwnqguh guekcoj. Raeuz yaek doiq ndaej hwnj guekcoj raeuz, naihaemz doegsaw, roengzrengz buekguh, ceng guh hauxseng ndei seizdaih moq.


Seizcin dauqma, fanh yiengh did moq. Seizcin ndawhag dou dwg dujva hai hoengh rangfwtfwt, gofaex heuswdswd, lwgnyez gwnznaj riuhaha, sing doegsaw hungsek gapbaenz.

Seizcin ndaw hagdangz ndei raixcaix!

(Sanhdungh Swngj Linzyiz Si Gijyangz Siujyoz Gauh Yizcwz raіz/ Veіz Munghingz hoіz)



Sіusіk Ndeі Caeuq Sіusіk Rwіx



Gaujgenj suyoз fat roengzdaеuj lo, gou gawqyienz gauj ndaej bak faen ndeu, caen dwg siengj mbouj daengz ha, "hawj daxmeh angq mbat ndeu ba!" Gou nu fwngz siengj.

Dauq daengz ranz, daxmeh cingq saeg buhvaq. Gou menhmenh byaij gvaqbae, gangjmbo-mbo naeuz: "Daxmeh, gou gou miz aen siusik ndei ndeu caeuq aen..... siusik rwix ndeu, mwngz siengj nyi aen lawz gonq?" Daxmeh mbat anj ndeu, siengj le siengj doiq gou naeuz: "Nyi siusik rwix gonq ba!" Gou amqamq angq youq ndaw sim, geiqvag baenz lo! "Gou baezneix suyoз gauj mbouj ndei." Gou "damjmbup" nam naeuz. "Geijlai faen?" Naj daxmeh yawj mbouj raen biujcingz, hoeng ndaw da yienh ok simnyap.

"Mbouj daengz loegcib faen." Gou ngaem gyaеuj, cibcuk "haеuj heiіq".

Daxmeh cuengq buhvaq ndaw

fwngz, daengx gou naeuz: "Heuh mwngz saeqsim caiq saeqsim, hoeng cungj dwg raegrwz! Mwngz niemhsuenq le lwi? Mwngz genjcaz le lwi?" Daxmeh hozndat raixcaix, bwn' gyaеuj ca di daengj hwnjdaеuj lo, "aeu gaujgenj okdaеuj hawj gou yawjyawj!"

Gou saedcaih nyaenx mbouj ndaej, riu doiq daxmeh naeuz: "Mwngz gaej hozndat, gou lij miz siusik ndei ne!"

"Lij miz gijmaz siusik ndei? Gangjriu ba!" Daxmeh najlaep lumj gaeuq.

"Sіusіk ndeі dwg, gou haxbaenh dwg caeuq mwngz gangjriu, gou suyoз gauj ndaej bak faen ndeu!" Gou angq lai diuq ndaej sam cik sang.

Gou daj daehsaw aeu gaujgenj okdaеuj ndenq hawj daxmeh, de menhmenh bek aen gyaеuj gou naeuz: "Dah fangzbyaiz neix, cawj-eiq rwix caen lai!" Gou diuqbeiz riuriu, yaek bae rug. Daxmeh sawqmwh daih hemq sing ndeu: "Ndwn haenx!" Gou simdiuq aekdiuq. Daxmeh riu youh lumj mbouj riu, menhmenh dep gyawj gou naeuz: "Mwngz mbouj rox yaeuh vunz dwg loek lwi? Mwngz mbouj roxninh yaek vih gij loek ndanggaeuq ciepsouh ceіhfaд lwi?" Gou simvueng eiqluenh, mbouj rox guh gijmaz, aj bak han: "Lij miz siusik ndei lwi?" Daxmeh ngaekngaek gyaеuj, vix buhvaq ndaw buenz naeuz: "Mwngz gojyіj saeg buh."

Daxmeh uetuet fwngz, cienq ndang haеuj ranzsaeuq bae lo, ce gou bak ajloengloeng youq haenx.

(Anhveih Swngj Anhging Si Yinzminzlu Siujyoz Cangh Yajsenh raіz / Lij Yanghlenz hoіz)